



Universitätsbibliothek Paderborn

**Ars Bonæ Mortis. Sive: Quotidiana Erga Sanctissimam Dei
Matrem Mariam Pietas**

Ad omnia quidem utilis. Ad felicem tamen mortem obtinendam utilissima

Hevenesi, Gábor

Coloniæ Agrippinæ, [ca. 1708]

I. Junii.

[urn:nbn:de:hbz:466:1-50961](#)

FESTUM B. Virginis à corde hodie celebra-
tur. B. Hermannus ex Ordine S. Domi-
nici, ut affectum in cor Mariæ ostenderet,
quotidie in ejus honorem Ave MARIA reci-
tavit: quod studium pietatis ita cor Deipa-
ræ emolliit, ut ei cùm maximè indigeret,
nempe in agone, opem ferret. *Leand. in Vi.*
Hæc est cor universi, ex quo nostra vita pro-
cedit.

O Sanctissimum MARIE cor! tu tanto
DEI amore flagasti, ut vi ejus amoris salu-
tis nostræ opus & adventum D E I hominis
maturaveris, tibi cor meum offero, suscipe il-
lud in cordis tui clientelam, amo te plusquam
me; amo omni possibili omnium creatura-
rum amore. O Sanctissima DEI, & mea, Ma-
ter pretiosissima! ego N. indignissimus filius
tuus ex toto corde, omnib[us]que tam corpo-
ris, &c. f. 2.

Ad quod impetrandum: Sæpius hodie cor
Marianum corde, quam potero, intensissimo
salutabo.

Cor nostrum MARIA est, quia sicut nihil
est, quod nobis possit esse intimius corde no-
stro, ita post DEUM nihil est in mundo,
quod ita diligamus dulciter, ita verè &
fortiter, ut MARIAM. *Io. Prag. in Mar.*
c. 83.

Quæstio: An ex cordis Mariani sanguinis
guttis conceptum fuerit Christi corpus. *v. Ve-*
ga Theo. Mar.